



SLUŽBENE NOVINE KANTONA SARAJEVO

Godina XX – Broj 1

Četvrtak, 8. januara 2015. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka) i čl. 16. i 21. stav (1) Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst), Vlada Kantona Sarajevo, na 85. sjednici održanoj 30.12.2014. godine, donijela je

ODLUKU

I

Prihvata se Izvještaj Ekspertne komisije Ministarstva za obrazovanje, nauku i mlade Kantona Sarajevo za davanje stručnog/ekspertnog mišljenja u vezi sa Elaboratom o osnivanju Pravnog fakulteta u okviru Internacionalnog univerziteta u Sarajevu.

II

Daje se saglasnost na Elaborat o opravdanosti osnivanja Pravnog fakulteta u okviru Internacionalnog univerziteta u Sarajevu.

III

Ova Odluka sa pratećom dokumentacijom dostavlja se Skupštini Kantona Sarajevo u daljnu proceduru.

IV

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-31616-5/14
30. decembra 2014. godine
Sarajevo

Vršilac funkcije
Premijera
Muhamed Kozadra, s. r.

Na osnovu čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka), člana 144. stav (7) Zakona o visokom obrazovanju ("Službene novine Kantona Sarajevo", broj 42/13-Prečišćeni tekst), Vlada Kantona Sarajevo, na 85. sjednici održanoj 30.12.2014. godine, donijela je

ODLUKU

O UTVRĐIVANJU CIJENE PROVOĐENJA POSTUPKA AKADEMSKOG I STRUČNOG PRIZNAVANJA INOSTRANIH VISOKOŠKOLSKIH KVALIFIKACIJA NA LICENCIRANIM I AKREDITOVANIM VISOKOŠKOLSKIM USTANOVAMA NA PODRUČJU KANTONA SARAJEVO

I

Utvrđuje se cijena provođenja postupka priznavanja inostranih visokoškolskih kvalifikacija na licenciranim i akreditovanim visokoškolskim ustanovama na području Kantona Sarajevo i to:

1. Akademsko priznavanje kvalifikacije dodiplomskog odnosno postdiplomskog studija stečene po predbolonjskom sistemu studija kao i kvalifikacije stečene nakon završenog prvog odnosno drugog ciklusa studija 400,00 KM,
2. Stručno priznavanje kvalifikacije dodiplomskog odnosno postdiplomskog studija stečene po predbolonjskom sistemu studija kao i kvalifikacije stečene nakon završenog prvog odnosno drugog ciklusa studija 200,00 KM,
3. Priznavanje kvalifikacije doktorskog studija 500,00 KM,
4. Priznavanje za prelaznike sa inostranih visokoškolskih ustanova po nastavnom predmetu u cilju nastavka započetog studija. 5,00 KM.

II

Stavlja se van snage tačka I alineja 18., 19., 20. i 21. Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu ("Službene novine Kantona Sarajevo", br. 19/09, 31/12 i 36/12).

III

Obavezuju se visokoškolske ustanove kao ustanove na području Kantona Sarajevo da stave van snage odluke tijela visokoškolske ustanove o utvrđivanju cijene provođenja postupka priznavanja inostranih visokoškolskih kvalifikacija.

IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-31616-8/14
20. decembra 2014. godine
Sarajevo

Vršilac funkcije
Premijera
Muhamed Kozadra, s. r.